

جَزَائِرَ حَاكِمَتِ

جمعه ایرتسی

نومرو	ذی القعدة	سنه	نیسان	سنه	صفحه
۸۱۹	۲	۱۳۱۲	۱۵	۱۳۱۱	۱۱۴۲۱

(اشبو غزته بهر هفته جمعه ایرتسی کونلری چیقار . سنه لکی درسعادت ایچون مجیدیه یکریمی غروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکریمی غروش اولق اوزره یوزپاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (دأره سنده کائن جریده محاکم اداره سنه مراحت ایلیلدر)

معاونی رفعتلو سلیم افندینک مطالعه سی استماع
 قلندی .

قسم غیر رسمی

اعلام مذکورک مالی منتفک سنجاغنه تابع
 شطره قضا سنده واقع برعنا میله معروف اولوب
 مومی الیه محمدالعقراوی به تفویض اولنان اراضی
 محلوله نک اراضی قانوننامه هایوننک سکرنجی
 ماده سنه توفیقاً تفویض واقمک فسخیله محلی دفتر
 خاقانی اداره سنه تسلیمنه قرار ویرلدیکنندن
 ومستعدی وکیلک قرار مذکور علیه سنده کی
 اعتراضاتک خلاصه سی دعوی واقعه نک

منتفک بدایت محکمه سندن ۲۹ نیسان سنه ۹۹
 تاریخی وسکر عددی ایله صادر اولان اعلامک
 تمیزینی استدعا ایتمش اولان شطر قصبه سنده مقیم
 عبدالعقراوی وکیلی زهدی بک ایله مدعی علیه
 ویرکو امانت علیه سی وکیلی رفیق بکک یوم
 مینده ایضاحات شفاهیله لر یله باش مدعی عمومی

مخاکمه‌سند اراضی مأموریه مدعی عمومی حاضر
بولندیرلامسی مغایر قانون اولدیفندن اعلامک
نقضی ومدعی علیه وکیلک جوابی اعتراضات
واقعه وارد وحکم اعلام موافق قانون اولدینی
بیانیله اعلامک تصدیق طلبندن ومعاون مومی -
ایهک مطالعه‌سی دخی اثنای مخاکمه‌ده مدعی
عمومینک حاضر بولندیرلامسی مغایر قانون ایدوکی
بیانندن عبارت بولمشد .

ایجابی لدی‌المذکره دعوی واقعه عقاره
متعلق اولدینی حالده ذی‌الیدلکک بالینه اثبات
ابتدیرلامسی واموال دولته متعلق اولان دعوی
مذکورک مخاکمه‌سند مدعی عمومینک حاضر
بولندیرلامسی وارضینک تفویضی فسخ ایدلش
ایکن بدلی حقنده برقرار ویرلامسی مجله‌نک بیک
التیوز اوتوز بشنجی ویک یدیوز الی‌دردنچی
ماده‌لریله تشکیلات مخاکمه قانون موقتک التمش
بشنجی ماده‌سنه مخالف اولدینی کی اراضی
مذکوره ایچون‌الن بدلاک کرک تاریخ تفویضنده
وکرک حال حاضرده کی قیمتک درنده بری اولسی
جهتیه تفویض مذکوره غبن فاحش بولندینی
یولنده حکومت سنیه وکی طرفندن درمیان
اولان اعتراضک نظر دفته‌النه‌رق بویابده تدریقات

لازمه اجراسیله برقرار ویرلمک لازمکلورکن
محکمه مذکوره‌جه بوجهتک اعلامک قرارمخلنده
مسکوت عنه براغلمسی مغایر بولمش ومعاون
مومی‌ایهک مطالعه‌سی شایان قبول کورنمش
اولدیفندن اصول مخاکمه حقوقیه قانون موقتک
ایکیوز اوتوز ایکی وایکیوز قرق برنجی ماده‌لری
موجبجه اعلام مذکورک نقصنه وزیرده
مفرداتی مرقم درتیوز اوج غروش مصارف
مخاکمه‌نک ایلروده حقسنر چیه‌جق طرفه رجوع
ایتمک اوزره اول امرده محمدالقراییدن النسنه
فی ۱۳ اغستوس سنه ۳۰۴ تاریخنده متفقاً قرار
ویرله‌رک طرفین وکیللرینه تفهیم قلندی .

ازمید بدایت محکمه‌سندن ۱۶ تموز سنه ۳۰۳
تاریخی ویکرمی بر عددی ایله صادر اولان
اعلامک تمیزینی استدعا ایدن کیوه قضاسنه تابع
قورت بلان قریه‌سی ساکنه‌لرندن خروپسما
وعروسیان قادینک وکیلی نشان بویاجیان افندی
ایله ممیزعلیه قریه مذکوره‌ده مقیم بغوص وکیلی
کر قور عجمیان افندینک تعیین اولسان کونده

ایضاحات شفاهی‌لری استماع قلندی .

اعلام مذکورک نتیجه مفادی طرفین بیننده
متحدث یارم دونم برقطعه طوت بغچه‌سی دعواسنه
دائر کیوه بدایت محکمه‌سندن صادر اولان اعلام
علیهنده مزبور تان خروپسما وعروسیان طرفندن
اعطا قلنان استیناف استدعاسنک مذکور بغچه‌یه
اوجیوز الی غروش قیمت تقدیر اولندینی
اعلام ابتدائی مندرجاتندن مستفاد اولدینی
وشو حالده دعوانک استینافاً تدریقی غیر جائز
بولندینی بیانیله ردینه قرار ویرلیدکنندن
ومستدعی‌لر وکیلک حکم مذکور علیه‌نده کی
اعتراضاتنک خلاصه‌سی اساس ادعا منع مداخله
دعواسی اوله‌رق قابل استیناف ایکن محکمه‌جه
بوراسنک نظر دفته النامسی مغایر قانون اولدیفندن
اعلامک نقضی ومدعی علیه وکیلک جوابی حکم
استینافی قانونه موافق بولندینی بیانیله اعلامک
تصدیق طلبندن عبارت بولمشد .

ایجابی مذاکره اولندوقده مندرجات اعلامدن
مستفاد اولدیفنه کوره بدایه اقامه اولنان دعوی
منازع فیه باغچه‌یه مرقوم بغوص طرفندن وقوعه
کلان مداخله‌نک منعی ادعاسندن عبارت اولسنه

ومحل مذکور حقنده طرفیندن برکونه قیمت
تقدیر ایدلامسنه نظراً اصول مخاکمه حقوقیه
قانون موقتک یوز یتیش بشنجی ماده‌سند بیان
اولندینی اوزره محکمه مذکوره‌جه استیناف
استدعاسنک قبولیه حکم ابتدائینک تدریقی لابد
ایکن بورالری نظر دفته التمسین رد استدعایه
قرار ویرلمسی مغایر قانون اولدیفنه بناء اصول
مخاکمه حقوقیه قانون موقتک ایکیوز اوتوز
ایکینجی ماده‌سی موجبجه اعلام مذکورک نقصنه
وزیرده مفرداتی مرقم اوجیوز طقسان سکر
غروش مصارف مخاکمه‌نک ایلروده حقسنر
چیه‌جق طرفه رجوع ایتمک اوزره اول امرده
مستدعی‌لردن النسنه فی ۱۳ تموز سنه ۳۰۴
تاریخنده متفقاً قرار ویرله‌رک طرفین وکیللرینه
تفهیم قلندی .

سیروز تجارت محکمه‌سندن ۲۸ شباط سنه
۳۰۲ تاریخی ویوز سکر عددی ایله صادر اولان
اعلامک تمیزینی منلکده قیومچی محله‌سند ساکن

احباب علاقه دن احمد طلعت بك طرفندن باعر ضحال
استدعا قلنديني حالده تعين اولنان كونده گلاش
اولديغندن ميز عليه سيروز قصبه سنده قورشونلى
كنيسا محله سنده قيم تجاردين قوجو ايزلانقووكيلي
يناكى بوليزوطينك ايضاحات شفاهيى سي استماع
قلندى .

اعلام مذكورك نتيجه مالى مرقوم قوجو
ايزلانقونك سيروز تجارت محكمه سندن مقدما
استحصال ايتيش اولديني ۲۲ كانون ثاني سنه ۹۵
تاريخلو اعلام غياييه استناداً مومى اليه احمد
طلعت بك ذمتنده مطلوبى بولنان اوچبوز اون
التي ابرا سكسان التي غروشت مع فائض تحصيليله
مير مومى اليهك املاكنه وضع ايلديكى جزك
تصديقي حقنده اقامه ايلديكى دعوان طولاىي
جريان ايدن تدقيقات نتيجه سنده مذكور ۲۲
كانون ثاني سنه ۹۵ تاريخلى اعلام غياييك التي
اي ظرفنده اجراسنه تشبث اولنديغلك عدم
ثبوتنه مبنى اصول محاكمه تجارت نظامنامه سنك
يتمش ايكنجى ماده سى موجبجه كان لم يكن عديله
مرقوم قوجو ايزلانقونك ابراز ايلديكى حيرولى
برقطه سند موجبجه مطلوبى اولديني تحققي ايدن
مع فائض قرق بش بيك يديوز اون درت

غروشك مير مومى اليهدين تحصيلنه وجزك تصديقي
حقنده كي حكمتك فسخته قرار و برلديكندن
ومستدعى احمد طلعت بكك اعلام مذكور
عليه نده كي اعتراضاتك خلاصه سى مستند دعوى
اولان سند بدلندن طولايى وقتيله حامل اولى
اولان دوقونام بازرگان ايله ابرا اوله رق برده
بطالنامه المتش ايسده ضايع ايتديكنى وبونى دو .
قونك دقازيله اثبات ايدى جكنى ادعا ايتيش ايكن
محكمه جه بوياده تدقيقات اجرا قلندىغندن
بجمله اعلامك نقضى ومدعى عليه قوجو ايزلانقو
وكيليك نتيجه جوابى دخى اعتراض مذكور
واهى اولوب حكم مذكور موافق قانون اولديني
بيانيله اعلامك تصديقي طلبندن عبارت بولمىشدر .

ايجابى مذاكره اولندقدده اعلام مذكور
مندرجاتندن مفهم اولديني اوزره سيروز تجارت
محكمه سنجيه اصول محاكمه تجارت نظامنامه سنك
يتمش ايكنجى ماده سى حكمنه توفيقاً كان لم يكن
عدايدى لان اعلام غيايى مذكور فى ۲۲ كانون ثاني
سنه ۹۹ تاريخيله مورخ اولوب حالبوكه اولوقت
محاكمه اصول محاكمه حقوقيه قانون موقتىك
مرعى الاجرا اولديني متحقق اولديغنه وقانون
مذكورك ماده مخصوصنده ايسه اصول محاكمه

تجارت نظامنامه سنك اشبقانونه مناقض ومساين
احكامك منفسخ اولديني مسطور ويوزاللى
اوچنجى ماده سنده دخى براعلام غيايى عليه
اونوز بركون ظرفنده اعتراض وقوع بولديني
حالده اول اعلام غياييك وجاهى حكمنى اكتساب
ايدى جكنى مذكور اولمسنه نظراً محكمه جه
اول امرده سالف الذ كر اعلام غياييك محكوم
عليه اولان طلعت بكك قانون دائره سنده تبليغ
قلنوب قلندىني وتبليغ ايدلش اولديني تقدبرده
قانون موقت مذكور احكامنه توفيقاً مدت
اعتراضك باقى اولوب اولديني حقنده تدقيقات
اجراسيله اكا كوره برقرار ويرلك وامر تبليغك
عدم اجراسى حالنده دخى اعلام مذكورك تبليغيله
عليه نده اعتراض وقوعنده ايجابنه باقلمق مذكور
اصول محاكمه حقوقيه قانون موقتى ايجابندن ايكن
بويولده ايشاي معاملله اولنيه رق اعلام غيايى
مذكورك اصول محاكمه تجارت نظامنامه سنك
حكمنى منفسخ اولان يتمش ايكنجى ماده سنده
استناداً كان لم يكن عدايدلسى قانونه مغاير اولديني
كى مومى اليه طلعت بك مستند دعوى اولان
سند بدلندن طولايى وقتيله حامل اولى اولان دوقو
بازرگان ايله ابرالشدىني وحتى سند مذكورك
ابطال حكمنى متضمن برقطه بطالنامه الدينى

عندالحاكمه ادعا ايله بوصورقى مرقوم دوقو
وخصمنك دفترلريله اثبات ايدى جكنى سويلمش
اولديني حالده محكمه جه بوياده تعميق تدقيقات
اولمقى اوزره جرائمه اولان دوقو بازرگانك
جلب واستجواب ايدلامسى دخى بولسز اولديغندن
اصول محاكمه حقوقيه قانون موقتىك ايكيوز
اونوز ايكنجى وايكيوز قرق برنجى ماده لرى
موجبجه اعلام مذكورك نقضه وزيرده مفرداتى
مرقم اوچبوز قرق سكر غروش مصارف
محاكمه نك ايلروده حقسز چيقه جق طرفه رجوع
ايتك اوزره اول امرده مستدعى طلعت بككن
السنه ۱۱ تشرين اول سنه ۳۰۴ تاريخنده متفقاً
قرار ويريله رك تفهم قلندى .

بكهوز بدايت محكمه سندن ۱۴ تشرين اول
سنه ۳۰۱ تاريخى واوتوز ايكي عددى ايله صادر
اولان اعلامك تميزىنى استدعا ايدن بكهوزده
بقال واسيل ايله ميز عليها محل مذكورده متمكن

تیمورجی اغوب و یوا کیمک تبیین قلنان کونده
ایضاحات شفاهیلهری استماع قلندی .

اعلام مذکورک حکمی مرقومان اغوب
و یوا کیمک بکفوزده حلواجی زقاغنده متصرف
اولدقلری برباب وقف بقال دکانک متراکم ملک
کیراسی اولان التیوز کسور غروشک مناصفه
مستأجرلری واسیل وقسطیدن تحصیانی طلب وادعا
ایتمسنة قارشو لاجل الحاکمه واقع اولان دعوته
اجابت ایدن مدعی علیهمادن واسیل دکان
مذکورک ملککنه کیمک متصرف اولدیفنی کندو.
سنجه مجهول اولدیفنی مدافعه بیان ایتمسندنشانی
اجرا قلنان تدقیقات نتیجه سنده مدعابه اولان بدل
ایجارک مناصفه مرقوماندن تحصیلنه قرار
یرلدیکندن و مستدعی واسیلک حکم مذکور
علیهنده کی اعتراضاتک خلاصه سی عندالحاکمه
متولیک حضوری لازم کلور ایکن بوراسنه
دقت اولنماسی مغایر قانون اولدیفندن اعلامک
نقضی و مدعی علیهمانک نتیجه اجوبه سی دخی
اشنای محاکمه ده متولی و قفک حضورینه حاجت
اولدیفنی و اعتراضات واقعه واهی ایدوکی بیانیه
اعلامک تصدیقی طلبندن عبارت بولمشدر .

ایجابی مذاکره اولندقدن دعوی واقعه رقبه
وقفه متعلق اولدیفنه و بوکی رقبه وقفه متعلق
دعاوبنک فصل ورؤیتی محکمه تفتیشه عائدبولندیفنه
بناءً اصول محاکمه حقوقیه قانون موقتک ایکی
یوز قرق برنجی ماده سی موجبجه اعلام مذکورک
نقضنه و کیفینک قانون موقت مذکورک ایکوز
قرق اوچنجی ماده سی حکمنه توفیقاً محکمه تفتیشه
حواله سنه وزیرده مفرداتی مرقم درتیوزاللی الی
غروش مصارف محاکمه نک مدعی علیهمایه راجع
اولق اوزره اول امرده مستدعیدن التمسنه فی ۱۷
تشرین اول سنه ۳۰۳ تاریخنده اکثریت آرایله
قرار یریلهرک تفهیم قلندی .



محکمه استیناف تجارت قسمندن ۲۰ تموزسنه
۳۰۹ تاریخی واللی طقوز عددی ایله یریلان
اعلامک تمیزیی استدعا ایتمش اولان بشکطاشده
اخلامور جاده سنده یکرمی ایکی نومرولی خانه ده
ساکن شاملیان قهریل و چاقاقچیلر یقوشنده بیوک

یکی خانه مقیم برادری ارتین اغالر ایله ممیزعلیه
محمودپاشاده بیوک یلدرخاننده اون اوچ نومرولی
اوطه ده ساکن سیواسلی صراف مرکریان بغوص
افندی و کیلی قره بت سفریان افندی یوم معینده
دائرةیه کلدکلرندن ایضاحات شفاهیلهری استماع
قلندقدنصکره تدقیقات تمیزییه اجرا سنه ابتدار
اولندی .

اعلام مذکورک خلاصه مآلی مزبور مرکریان
بغوص افندی مرقومان شاملیان ارتین وقهریل
اغالرك امر وحواله لرینه تأدیه اولنق و مقابلنده
مانیفاطوره الموق اوزره یردیک ایکی قطعه سند
موجبجه حامل ثانی بانکر الیاسقویه تأدیه ایتمش
اولدیفنی یوز برلیرا یکرمی یدی غروشک هربری
مجموع دین ایله مطالب اولق اوزره شاملیان
برادرلردن تحصیلی حکمنی حاوی غیاباً استحصال
ایتمش اولدیفنی اعلام حکمنه مرقومان قهریل
وارتین اغالر طرفلرندن عدم قناعتله اعتراض
علی الحکم عرضحالی اعطا و کندولرینه خصومت
توجه ایتیه جکی انبیا اولنمش ایسه ده سندات
مذکورک معترض علیهمک یدنده بولنمش بدلاتنک
حامل اخیرینه تأدیه ایدلایکنسه دلیل کافی عد
اولندیفندن معترضان مرقومانک خصومت توجه

ایتمیه جکی حقنده کی ادعایرنک ردینه قرار ویرلمسی
اوزرینه معترض علیه و کیلی موکلنک مذکور
سندلری بدلاتی مقابلنده مال الموق اوزره یرمش
وحامل ثانییه قارشو تسویه دین ایتمش اولدیفنی
حاله برشی المامش و بناءً علیه سندات مذکورده ده
محرر مالی الدینی حقنده کی اقرارنده کاذب بولنمش
ایدوکی تذکار ایتمش ایسه ده معترض علیه بغوص
افندی مرقومان اولدیفنی برباره بی تأدیه و ایضایتمش
اولدیفنی و کیلنک اقراری ایله ثابت اولوب مرقومک
اقرار بالکتابه سنی فعلی ایله دخی تصدیق ایدلکدن
صکره و کیلنک کذب حقنده کی ادعای شایان
التفات اولدیفنه بناءً اعلام غیابی مذکورک فسخیله
اولباده اعطا قلنان دعوی عرضحالک ردینه
دائر یریلان اعلامک استینافاً بالتدقیق اسباب
قانونیه دن دولابی فسخ اولنمش اوزرینه عندالحاکمه
مستأنف علیهماقهریل و ارتین اغالر و کیلی دعوانک
مستند الیهی اولان سنداتک تنظیمی اناسنده
بدلایرنک بصره ایله تسویه ایدیله جکی مقرر
اولماسی جهتیله بصره یرلماش ایسه ده مستأنف
بغوص افندی مرقومان شاملیان نشانه اولان دینی تأمین
ضمننده موکلایرنک جرانتیه صفتیه مذکورسندلره
وضع امضا ایدرک بوصورتله سندات مذکورک
اعتباری تزید و اداسی تأمین ایدلکدن صکره

موکلری بدینه ویرلش اولدیفنی بیان وادعا ووبابده کی ادعائی اثباتدن اظهار عجز ایله مستأنف بغوص افندی به عین تکلیف ایدرک ایجابی اجرا قلنه جنی صروده عین ایتدیرمه جکی اول و آخر صادر اولان مقررات موجب قناعت اولدیغندن قرار قطعی لحوقندن صکره اقامه سی مصمم اولان تمیز دعواسنک نتیجه سنه کوره لدی ایجاب حق تحلیفلرینی استعمال ایده جکلرینی تذکار ایتمش ایسه ده مستأنفک بدللرینی مال اوله رق الیغنه دائر سندات مذکورده کی اقرارنده کاذب اولدیفنی مستأنف علیهما وکیانک سبق ایدن اقرار ایله ثابت ومستأنف علیهمانک لزوم اثباتنه قرار ویریلان مدافعه سنک بطلائی دخی وکیللرینک اثباتدن اظهار عجز ایله تکلیف ایلدیکی عیندن نکول ایلملریله متحقق اولدیغنه بناء مدعابه اولان یوز برابر ایکرمی یدی غروشک مع فائض و مصارف محاکمه مستأنف علیهمادن تحصیلنه حکمدن ومستدعیلرک اشبو حکم علیهمده کی اعتراضاتنک باشلوجه سی بوکی امره محرر سندات بدلاتنک حین ایفاسنده مقبوضی حاوی شرح ویرلمک عادات تجاریه اقتضاسندن اولوب حامل ثانی الیاسقونک سندات مذکورده بدلاتی اخذ ایتدیکنه دائر مذکور سندلرده برقید و صراحت اولدیفنی

کبی کندولری مستند ادعا اولان سنداتنک طرفلرینه تسلیمی قطعاً انکار ایدوب یالکز جرانتیه صقیله وضع امضا ایلدکلرینی بیان وادعا ایللمش اولملرینه کوره مدعینک بوجهتی اثبات ایتسی لازمکلور ایکن اثباتنک کندولرندن مطلب اولنسی مغایر قانون اولدیغندن بخله اعلامنک نقضی و تمیز علیه وکیل قره بت سفریان افندیکنک نتیجه جوابی دخی اعتراضات مذکورده نک واهی و بی اساس اولدیفنی بیایله ردی و اعلام مذکورک تصدیقی استدعاسندن عبارت بولمشدر .

ایجابی مذاکره اولندقدده اعلام مذکور مندرجاتندن منقهم اولدیغنه کوره مستأنف بغوص افندیکنک نشان شاملیانه اولان دینی تأمین ضمنتده جرانتیه صقیله منازع فیه سندانه وضع امضا ایتمش اولدقلرینه دائر مستأنف علیهما قریل وارتن اغالرک درمیان ایلدکلری ادعانک اثباتندن اظهار عجز ایلملری اوزرینه اولبابده مستأنف مزبور بغوص افندی به تکلیف ایتدکلری عیننک اجراسی لزومه دائر عندالاستیناف اتخاذ ایدیلان قرار یولنده ایسه ده اخیراً مرقومانک اشبو عین تکلیفندن صرف نظرله اول و آخر ویریلان مقررات موجب قناعت اولدیغندن بخله اقامه

ایده جکلری تمیز دعواسنک نتیجه سنه کوره لدی ایجاب حق تحلیفلرینی استعمال ایده جکلرینی بیان و افاده ایتمش اولدقلرینه کوره محکمه جه قرار مذکورک اعلام شکلنده طرفینه اعطای اولنه رق تمیزاً صادر اوله حق قراره انتظار اولنسی لازمکلور ایکن اشبو افاده نک نظر اعتباره النیوب محاکمه به دوام اولنه رق مستأنف علیهمانک قبل التمیز طالب تحلیف اولملرینه عیندن نکول مغناسی ویریلرک برمنوال محرر قرار ویرلسی قانونه مغایر اولدیغنه بناء اصول محاکمه حقوقیه قانوننک ایکوز قرق برنجی ماده سی موجبجه اعلام مذکورک نقضیه قانون مذکورک ایکوز قرق درنجی ماده سی حکمنه توفیقاً کیفیتک صورت مشروحه دائره سننده یکیدن بالرؤیه اعلامه ربطی ضمنتده قسم مذکوره اعاده سنه وزیرده مفرداتی محرر درتیوز اونوز غروش مصارف تمیزیه نک ایلروده حقسز چیه حق طرفه رجوع ایتک اوزره اول امرده مستدعی مرقوماندن النسنه ۲۱ نisan سنه ۳۱۰ تاریخنده متفقاً قرار ویریلرک تفهیم قلندی .

کرید استیناف محکمه سنندن ۳۰ تشرین اول سنه ۳۰۹ تاریخی وایکوز یکرمی الی عددی ایله ویریلان اعلامنک تمیزی استدعا ایدن قندیه اهالیسنندن زکریا زاده سلیم بک وکیل الیاس رسام افندی ایله مدعی علیه چورباجکی نوری بک وکیللری حمدی و سلیم حسنی افندیلردن یالکز سلیم حسنی افندی یوم معینده دائره به کلدکلرندن ایضاحات شفاهیله ری استماع اولندقدن صکره تدقیقات تمیزیه اجراسنه ایتدار اولندی .

اعلام مذکورک خلاصه مالی مومی الیه سلیم بک چورباجکی نوری بک ایله عقد ایلدکلری صابون شرکتی محاسبه سنک میزله معرفتیه بالرؤیه یوز اوچ بیسک بدییوز الی ایکی بیجی غروش الاجنی تبین ایتدیکنه دائر تنظیم اولنان راپورک موقع اجرایه وضع اولنسنندن طولابی مومی الیه نوری بک قندیه بدایت محکمه سننه مراجعتله درمیان ایلدیکی اعتراضک ردی حقتده بدایه صادر اولان قراره مومی الیه نوری بک جانبندن عدم قناعتله کرید استیناف محکمه سننه بالمراجعه اقامه اولنان استیناف دعواسنک اجرا قلنان محاکمه و تدقیقاتی نتیجه سننده قرار ابتدائینک فسخنه دائر صادر اولان اعلام استینافنک مقدا

نوری بك جانبندن ویریلوب استیناف استدعاسنك
 مرور مدتدن طولایی ردینه قرار ویرلش ایکن
 دعوی واقعه نك استینافاً رؤیت ایدلمسی اسبابنه
 بناءً تمیزاً نقض واعاده قلممسی اوزرینه محكمه
 مذکوره جه بتکرار استیناف استدعاسنك قبولیه
 اساس دعوی حقنده اجرا قلنان محاکمات
 وتدقیقات استینافیه نتیجه سنده مستأنف نوری
 افندیك بدایه اعطای ایلدیکی اعتراضنامه سنك
 ردی حقنده درجه اولی محكمه سنججه ویریلان
 قرارك مغایر قانون اولدینی اكلاللمسیله اعلام
 مستأنف بهك فسخیله اعتراضنامه مذکورك
 قبوله وسلیم بك طرفندن تبلیغ اولنان اخبارنامه نك
 فسخه حکمدن واشبو حکم علیهنده مستدعی
 تمیز سلیم بك وکیل الیاس رسام افندیك
 باشلوجه اعتراضی مقدما استیناف استدعانا سنك
 رد اولمش اولسنه مبنی محكمه تمیزجه اولیابده کی
 اعلام استینافی نقض واعاده قلممش ایکن محكمه
 استینافیه جه تمیز قراری خلافه اوله رق بوکره
 استیناف استدعاسنك قبول اولنمی مغایر قانون
 اولدیغندن بجنه اعلام مذکورك نقضی استدعاسندن
 ومدعی علیه چور باجاک نوری بك وکیلنك
 نتیجه جوابی دخی اعلام مذکورك موافق قانون
 اولدینی بیانیه تصدیقی طلبندن عبارت بولمیشدر.

ایجابی مذاکره اولندقدده اعلام مذکور
 مآلندن اكلالشدینی اوزره مقدما دعوی واقعه
 حقنده محكمه استینافیه جه اعطای قلنان استیناف
 استدعاسنك مدت قانونیه نك مروری حسابیله
 محكمه مذکوره جه ردینه قرار ویرلش اولدینی
 حالدیه مؤخرأ دعوی مذکوره نك استینافاً
 رؤیت ایدلمسی مغایر قانون اولمسلیله عندالتمیز
 اولیابده صادر اولان اعلام استینافیه نك نقضه
 قرار ویرلش اولسنه نظراً محكمه استینافیه جه
 اشبو تمیز قراری نظر دفته التهرق اسباب موجب
 بیانیه بالقبول ویاقرار سابقده اصرار ایدلك
 لازمك لور ایکن محكمه مذکوره جه بورا سنك
 نظر دفته التمسین وقرار سابقده اصرار
 ایدلمکسزین دعوی مذکوره نك محكمه تمیز
 قرارینه مخالف صورته استینافاً رؤیت وحکم
 ایدلمسی بولسز و اصول وقانونه مغایر ومستدعی
 تمیز وکیلنك اعتراضی دخی بوجهته متدائر
 اوله رق شایان قبول کورلش اولدیغه بناء اصول
 محاکمه حقوقیه قانوننك ایکوز اوتوز ایکنجی
 ماده سی موجبجه اعلام مذکورك تفضیله قانون
 مذکورك ایکوز قرق دردنجی ماده سی حکمنه توفیقاً
 کیفیتك یکیدن اعلامه ربطی ضمننده محكمه

مذکوره اعاده وزیرده مفرداتی مرقم ایکی یوز
 طقسان طقوز غروش مصارف تمیزیه نك ایلروده
 حقسز چیه حق طرفه رجوع ایتك اوزره اول
 امرده مستدعی تمیزدن التمسنه ۲۰ مارت سنه
 ۳۱۱ تاریخنده اکثریت ارا ایله قرار ویریله رك
 تفهیم قلندی .

مناسرتولایتی استیناف محكمه سندن ۱۹

تموز سنه ۳۱۰ تاریخی وطقوز عددی ایله ویریلان
 اعلامك تمیزینی استدعا ایدن رژی اداره سی وکیل
 قره کین افندی ایله مدعی علیه پرله قصبه سنك
 پاپا سوطیر محله سنده ساکن خاجی خرستودولی
 بوم معینده دائره یه کلدکلرندن ایضاحات شفاهیله
 لرله باش مدعی عمومی معاونلرندن سعادتلو
 یورخاکی افندیك مطالعه سی استماع قلندقدن
 صکره تدقیقات تمیزیه اجرا سنه ابتدار اولندی .

اعلام مذکورك خلاصه مالی مرقوم خاجی
 خرستونك پرله ده اسکی محكمه جوارنده کائن

باطاپو متصرف اولدینی ایکی باب مغازه بدل
 ایجارندن طولایی مذکور رژی اداره سنده الاجبی
 اولان اوچ یوز یکر می بش عددلیرای عثمانیه نك
 تحصیلنه دائر پرله قضایی بدایت محكمه سندن
 استحصال ایلدیکی اعلام حکمنه اداره مذکوره
 وکیل جانبندن عدم قناعتله استیناف محكمه سنه
 بالمراجعه اقامه اولنان استیناف دعوی اوزرینه
 جریان ایدن محاکمات وتدقیقات استینافیه
 نتیجه سنده دعوی واقعه نك حقوق خزینه یه تعاقی
 اولدینی حالدیه بدایه مدعی عمومی حضوریه
 اجرای محاکمه اولنمی بولسز ایسه ده حکم
 ابتدائینك موافق قانون ایدوکی بیانیه اصول
 محاکمه حقوقیه قانوننك یوز طقسان التبعی ماده
 سنك فقره اولیسی حکمنه توفیقاً دعوی استینافیه نك
 ردیله اعلام مستأنف بهك تعدیلاً تصدیقه حکمدن
 ومستدعی تمیز رژی اداره سی وکیل قره کین
 افندیك اشبو حکم علیهنده کی اعتراضاتك
 خلاصه سی دعوی واقعه مشترک المنفعه اولان
 رژی اداره سی علیه اولوب تشکیلات محاکم
 قانوننك ماده مخصوصه سی موجبجه مدعی عمومیلر
 حق مداخله سی درکار ایکن عندالاستیناف مأمور
 مومی الیه حاضر بولندیرلتمسزین بلاسبب قانونی
 درجه اولی محكمه سنك تصدیقه قرار ویرلمی

یواسز ومغار قانون اولدیغندن بخله اعلامك نقضی
ومدعی علیه خرسونك نتیجه اجوبه سی دخی
اعتراضات مسروده نك واهی وبی اساس اولدینی
بیانیله ردی وموافق اصول وقانون اولان اعلامك
تصدیق طلبیدن ومعاون مومی الیهك مطالعه سی
ایسه دعوی واقع مشترك المنفعة رژی اداره سی
علیهنده اولمق حسیله اموال دولته عائدینی درکار
اولوب بناء علیه ثنای محاکمه مدعی عمومینك
مطالعه سی دخی التمس لازم کلور ایکن التماس
اولدیغه مبنی جهت مذکوره حقنده کی اعتراضك
موافق قانون اولدینی بیانندن عبارت بولمشد در .

ایجابی مذاکره اولدوقده دعوی واقع مشترك
المنفعة اولان رژی اداره سی علیهنده اولمق حسیله
اموال دولته عائدینی درکار اولوب بناء علیه ثنای
محاکمه مدعی عمومینك مطالعه سی دخی التمس لازم
کلور ایکن عند الاستیناف مأمور مومی الیهك
حاضر بولندیرلقسزین درجه اولی محکمه سی
اعلامك تصدیقه قرار ویرلمسی یولسز ومغار
قانون اولدیغه ومستدعی رژی اداره سی وکیلک
اعتراضیه انف البیان معاون مومی الیهك مطالعه سی
دخی بوجهنه متعلق اوله رق شایان قبول بولندیغه
بناء اصول محاکمه حقوقیه قانونك ایکوز اوتوز

کوپریلی بدایت محکمه سندن ۷ تشرین اول
سنه ۳۰۷ تاریخی واون اوچ عددی ایله ویریلان
اعلامك تمیزیخی استدعا ایدن کوپریلی قصبه سنده
مقیم اصحاب علاقهدن قسطنطنیه وکیل عبدالرحمن
عادل اقدی یوم معینده دائره یه کلش ایسه ده
میر علیه مالیه خزینة جلیله سی جانبندن بروکیل
ارسال وجواب لایحه سی اسبال قلمامش اولدیغندن

یالکز وکیل مومی الیه عادل اقدینك ایضاحات
شفاهیه سیله باش مدعی عمومی معاونلرندن
سعادتلو یورغاکی اقدینك مطالعه سی استماع
اولندقدن صکره تدقیقات تمیزیه اجراسنه ایتدار
قلندی .

اعلام مذکورك خلاصه مآلی مرقوم قسطنطنیه
ناشونك سکسان یدی سنه سی اعشاری بدلندن
خزینة جلیله یه دینی بولنان اوتوز درت بیك
کسور غروشك تحت حکمه الیرلینی صروده
قائضی طلب ودعوی اولنه مامش واعشاردن
طولانی مطلوبات خزینة نك انقضای وعده سندن
صکره مرور ایده جك ایامك قائض نظامینك
دخی میدیونلردن اخذ اولنه جنی اعشار تعلیماتی
اقتضاسندن بولنش اولدیغندن بخله الی بیك
کسور غروش قائضك تحصیلی حقنده حکومت
مخلیه وکیل طرفندن اقامه اولنان دعوی اوزرینه
جریان ایدن محاکمات وتدقیقات نتیجه سنده اساس
دعوانك اعشار بدلندن منبع اوله رق تحت حکمه
النمش اولسنه بناء اعشار نظامنامه سنك اوتوز
طقوزنجی ماده سی موجبجه رأس المال اولان
مبالغ انقضای وعده سندن اعتباراً بالحساب
بالغ اولدینی اوتوز طقوز بیك یکر می اوچ غروش

یکر می بش پاره دن جدید مراجحه نظامنامه سی
موجبجه درتبیك بش یوز غروشك بالتزیل
متباقی اوتوز درت بیك التیوز یکر می اوچ
غروش یکر می بش پاره نك فائضك مدعی علیه
مرقومدن تحصیلنه حکمدن ومستدعی تمیز
قسطنطنیه ناشو وکیل عادل اقدینك اشبو حکم
علیهنده باشلوجه اعتراضی موکلندن ادعا اولنان
اچه مقدما مع قائض طلب اولنه رق محکمه جه
بالرؤیه اعلامه ربط ایله کسب قطعیتمش ایکن
تکرار اقامه اولنان فائض دعواسنك رؤیت
واستماعیه تحت قراره النمش مغایر قانون اولدیغندن
بخله اعلامك نقضی طلبیدن ومعاون مومی الیهك
مطالعه سی دخی رأس المال حقنده کی اعلام عتیق
مندرجاتنه نظراً مقدما فائض طلب اولندیغنی
اکلاشلمسنه وطلب واقع اعلام مذکورده مسکوت
عنه براغلمش ایسه طرق قانونیه مراجعتله
اصلاحی احکام قانونیه اقتضاسندن اوله رق
بشقه جه حکم اعطاسی غیر جائز بولمسنه مبنی
اعتراضات واقع نك موافق قانون اولدینی بیانندن
عبارت بولمشد در .

ایجابی مذاکره اولدوقده اعلام مذکور
مآلندن اکلاشلدینی اوزره مرقوم قسطنطنیه ناشونك

بدل اعشاردن دینی بولنان مبالغ مقدما مع فائض
 طلب ودعوی اولنه رق محکمه جه بالرؤیه تحت
 حکمه التمش اولسنه نظراً اشبو فائض ادعاسنک
 مقدمکی اعلامده مسکوت عنه براغلمش ایسه
 طرق قانونه مراجعتله اصلاح ایتدیرلمسی مقتضی
 اوله رق بشقه جه اقامه واستماعنه قانوناً مساغ
 اولدینی حالده محکمه مرقومه جه بوراسنه دقت
 اولنیه رق بشقه جه اقامه اولنان فائض دعواسنک رؤیت
 وحکم اولنمسی مغایر ومستدعی وکیلنک اعتراضیه
 معاون مومی الیهک مطالعه سی موافق نفس الامر
 کورندیکنه بناءً اصول محاکمه حقوقیه قانوننک
 ایکوز اوتوز ایکنجی ماده سی موجبجه اعلام
 مذکورک تفضیله قانون مذکورک ایکوز قرق
 بشنجی ماده سی موجبجه کیفیتک صورت
 مشروحه دائره سنده یکیدن اعلامه ربطی ضمننده
 محکمه مذکوره یه اعاده سنه وزیرده مفرداتی
 مرقم درتیوز طقوز بچق غروش مصارف
 تمیزیه نک ایلروده حقسز چیه جق طرفه رجوع
 ایتک اوزره اول امرده مستدعیدن التمشنه ۲۰
 کانون ثانی سنه ۳۰۸ تاریخنده اکثریت آرا ایله
 قرار ویرله رک تفهیم قلندی .

اعلام مذکورک خلاصه مالی مرقوم
 انسطاش ارمیه ویواناکی والنقونام کسنه لردن
 سکسان لیرا بدل ایله مرقوم یورکی ایله مشترکاً
 اشترا ایلدکری اقچه شهر قریه سنده کائن برباب
 بوجکخانه ایله درت قطعه بغچه دن اوتوز بش
 لیرایه مقابل بوجکخانه کیندوسنده وقرق بش
 لیرایه دخی بغچه ل مرقوم یورکیده قالمق اوزره
 بیلرنده تقسیم و بش لیرایه یورکیدن برده سندن
 الهرق ذکراولنان بوجکخانه مستقلاً مالی بولنمش
 ایکن مرقوم یورکی مذکور بوجکخانه یه فضولی
 مداخله ایلدیکندن بخله واقع اولان مداخله نک
 منعی طلب وادعا ایتمش ایسه ده املاک مذکوره نک
 مستقلاً بابج مرقومون طرفندن مرقوم یورکی یه

فراغ ایلدیکی اصولا تبیین ایتسنه بناءً مرقوم
 انسطاشک رد ادعاسیله حکم واقعک موقه اجرا سنه
 دائر بیدایه صادر اولان اعلامک عندالاستیناف
 اجرای موقت حقنده کی حکمنک فسخیله اساس
 مصلحت حقنده کی جهت حکمیه سنک تصدیقنه
 قراردن ومستدعینک اشبو حکم عایهنده لایحه سنده
 محرر اعتراضاتک باشلوجه سی دعوی واقع حقنده
 اولجه صادر اولان حکم اعلامنک اعلام میز بهه
 درج ایلدلماسی مغایر قانون اولدیفندن بخله اعلامک
 نقضی استدعاسندن ومدعی علییهک لایحه جوابیه سی
 مالی دخی اعلام مذکورک حاوی اولدینی قرارک
 قابل تمیز اولدینی بیانیله تمیز استدعاسنک ردی
 و اساس مصلحت کنبجه حکم استینافی مذکور
 موافق قانون اولدینی بیانیله اعلامک تصدیق
 طلبندن عبارت بولنمشدر

ایجابی مذاکره اولندقدده اعلام مذکور
 مطالعه سندن اکلاشلدینی اوزره میز علیه یورکینک
 لایحه جوابیه سنده اعلام مذکورک حاوی اولدینی
 قرارک قابل تمیز اولدینی یولنده درمیان ایلدیکی
 اعتراض بالتصدیق غیر وارد کورینه رک رد
 ایلدکدنصرکه اساس مصلحتک مذاکره سنه

کیریشلدکده املاک مذکوره نک بالاشتراك اشترا
 اولدینی طرفینک تصدیق تحسند اولان سندنله
 ثابت اولسنه نظراً بویله بیلرنده فسخ شرکت
 ایتدکری حقنده مدعی علییهک اثبات ایلدیکی
 مدافعه سنی سند مذکوره مقابل بینه تحریریه ایله
 اثبات ایلسمی لازم کلور ایکن بینه شخصیه ایله
 بالاثبات موجبجه حکم اولنمسی مغایر قانون اولدیفنه
 بناءً اصول محاکمه حقوقیه قانوننک ایکوز قرق
 برنجی ماده سی موجبجه اعلام مذکورک نقصنه
 وقانون مزبورک ایکوز قرق دردنجی ماده سی
 حکمنه توفیقاً کیفیتک صور مشروحه دائره سنده
 یکیدن بالرؤیه اعلامه ربطی ضمننده محکمه
 مذکوره یه اعاده سنه وزیرده مفرداتی مرقم درتیوز
 اون طقوز بچق غروش مصارف تمیزیه نک ایلروده
 حقسز چیه جق طرفه رجوع ایتک اوزره اول
 امرده مستدعیدن اخذینه فی ۲۲ کانون اول
 سنه ۳۱۰ تاریخنده متفقاً قرار ویرلدی

اعلان

عرب اوغلی طودورا کینک اسکدارده ایجادیه
محلہ سنده مقیمہ احمد فارس افندی زوجہ سی
صفیہ خانم ذمتندہ بااعلام الاجنبی اولان مبالغک
تأمین استیفاسی ضمنندہ حجز ایدیلوب فروختی
اسکدار بدایت محکمہ سندن ویریلان اعلام ایله
محکوم بولسان بر عدد پیانو و اوچ عدد پرنج
منقال ویدی سکر عدد اعلا حالی و سائر اشیای
بیتیه نک اشبو شهر حال رومینک یکرمی سکرنجی
جمعه کونی اسکدار بدستانندہ ساعت درت راده
لرنده اجرا قانونی احکامنه توفیقاً بعد المزایدہ فروخت
اولانه جغندن طالب اولنلرک یوم و ساعت مذکورده
محلہ عنایتله مأمور مخصوصنه مراجعت ایلملری
محکمہ مذکور اجرا دائرہ سندن اعلان اولنورہ

فی ۱۹ نیسان سنہ ۳۱۱

شفیقہ خانمک صوفیہ لی هائیم و رادری یسن
افندیلر ذمتندہ بااعلام محکوم به مطلوبی
اولان مبالغک تأمین استیفاسی چون تحت حجزہ
الدیریلان سلیمانیه جوارنده صاری بایزید محلہ -
سندہ طوبراق زقاغندہ واقع پدرلرندن منتقل
ایکی نومرولو برباب خانمک علی الاصول التمش
برکون ظرفندہ اجرا قلذان مزایدہ علنیہ
نتیجہ سندہ ایرای عثمانی یوز غروش حسابیلہ
اوچبیک بشیوز غروشده طالبی عہدہ سندہ تقرر
ایتمش اولدیغندن و قرار قطعیمی کشیدہ قلذہ جغندن
یوزده بش ضیلہ طالب ودها زیاده معلومات
المق استیانلرک تاریخ اعلاندن اعتباراً نہایت او توز
برکون ظرفندہ در سعادت اعلامات نظامیہ اجرا
دائرہ سنہ مراجعت ایلملری اعلان اولنورہ

فی ۱۹ نیسان سنہ ۳۱۱